

太谷縣志總目

卷一

圖考

星野
公署

疆域
學宮

山河
書院

城池
十景

星野

疆域

附
關隘
津梁

卷二

沿革

山川

城池

附
村堡
砦墩
營房

公署

附坊表

學校

壇廟

附寺觀

卷三

古蹟

附碑碣塚墓

水利

田賦

附鹽法

風俗

附土產

職官

名宦

卷四

科目 附鄉飲

仕籍 附封典

卷五

人物 分封 功勛 忠烈 宦蹟 儒林
篤行 耆善 仙釋

列女

卷六

藝文上

御製附明勅諭疏檄序記

卷七

藝文中傳墓誌

卷八

藝文下墓表附祭文賦詩

太谷縣志卷二

沿革

象緯經天山河行地此千古不變者也若夫分州
設郡建置靡常禹貢之冀至職方而析幽并之名
在爾雅又有幽營之號一省且然況郡邑乎古言
地理者繇沿革而後可以考疆域亦繇沿革而後
可以考星野山川蓋其次也志沿革

太谷在唐爲冀州虞舜分十有二州則屬并夏商周
仍之

春秋時晉大夫陽處父采邑戰國時屬趙

秦隸太原郡

漢陽邑縣秦太原新莽改曰繁穰

後漢明帝時封馮魴爲侯國

晉屬太原國

北魏真君九年省景明二年復

後周建德四年徙西二十里卽今治

隋開皇三年郡廢以縣屬并州十八年改曰太谷以

縣西南有太谷故名

唐武德三年以太谷祁二縣置太州六年州廢仍隸

太原府

五代

宋隸太原府

金大定中割榆次縣修文仁義二鄉三千七百五十戶來屬興定四年於清源置晉州以太谷隸焉

元廢晉州仍隸太原路

明隸太原府

國朝因之編戶舊八十三里今四十二里

在城十三坊併爲八坊

正東第一坊 正西第一坊 正西第二坊

正西第三坊 東南第一坊 東南第二坊

東南第三坊 東南第四坊

龍泉鄉十六里併爲五都里

上善里 白村都 敦坊都 登豐里 副榆都

長樂鄉十七里併爲九都里

白城里 咸陽里 侯城第一里 侯城第三里

惠安都 回馬里 四卦里 浮圖第二里

浮圖第二里

修文鄉十五里併爲八都里

朝陽都 信義第二里 中孝都 東西蘆都

胡村里 小常里 曲河都 佛谷里

仁義鄉十八里併爲十二都里

石象里 杏林里 陽邑第一里 小白里

大白都 東里都 任村都 西薄都

牛許都 東賈里 梁平第一里 梁平第二里

按太谷之名始見于隋自是以後未之或改舊志

云唐隸并州五代宋皆因之然考開元十一年置北都改并州爲太原府則斯時太谷固隸于府矣五代初曰并州唐莊宗建西京又改北京軍曰河東宋太平興國四年平北漢降爲繁州軍事毀其城徙治榆次至和元年以并州爲太原府明一統志謂嘉祐中復爲太原府則是後唐迄宋初皆未嘗設并州之名而至和嘉祐以後又當云隸太原府不當曰并州也

太谷縣志卷二

山川

嶽曰恒鎮曰霍流曰汾澮考名山大川皆距陽邑
爲遠而陽邑號名區焉其間聞人誼士儒林列女
藉藉然光於簡編非扶輿磅礴高深融結之氣何
以及此志山川

鳳凰山在縣南十二里高五里盤踞四十里嶺勢似
鳳故名上有浮圖三座又空王佛殿福緣寺明成
化宏治間重修山半爲龍泉寺東二里山麓有三

佛閣舊志云孤高挺秀若舞若翔邑之鎮山也每當春雨甫歇青蒼幽靚望若畫圖爲十景之一

鳳景山在縣東南十八里高三里盤踞十餘里巔有浮圖每四月八日邑人登眺竟日不絕

按此卽大佛山蓋一山二名通志誤分

鳳翼山在縣東南二十三里高三里盤踞二十里鳳凰山之右翼也有石佛建閣供之金時閣燬元重建

雪峯山在城東一百里與和順縣交界左倚八賦右

連大塔峯巒聳秀林木蔚然山上有石名雪峯石
每冬月大雪獨此石不積萬松環繞孤撐特立論
者疑其中有礪石丹砂之屬焉舊志失載今經補
入繪圖增列於十景之中云

奄谷在縣東南十五里袤四十里東崖石壁有佛像
號千佛崖谷中有水名奄谷河

灰泉山在縣東南二十里高二里盤踞十里山上有
谷德將軍廟廟下有泉瀦爲池名灰泉山池今涸
明一統志云池上有亭今亦廢

四卦谷在縣東南二十里袤二十里谷中有泉分流
四派故名

石馬嶺在縣東南三十里相傳河西等鄉每夜有馬
踐食禾苗有田父伺之中以箭迸血而去及旦跡
其血至嶺上見有中箭石馬其後田中寂無馬跡
焉

藥伯山在縣東南三十里高二里盤踞十里有藥伯
廟

松嶺在縣東南三十里從奄崕入舊志云形高松茂

曉日滃雲爲十景之一後以斧斤相尋松旣濯濯雲亦無所栖息僅存空名矣

磨龕山山半有寺明邑令初旦記云太谷南二十里有奄谷谷口路纔成蹊又十里亂石怒濤聳如激如又五里經斷梁皆懸崖邃澗行數里始達寺寺在山半因其勢而磨之厥形若龕前臨陡隍憑闌俯視衆山皆小

按松嶺與磨龕本爲兩地舊志相沿載入未能辨明今以磨龕雲樹增入十景之中庶爲核實而松

嶺高峯插天每天日清朗一望無際改曰晴嵐亦紀其實云爾

回馬谷在縣東南三十里袤二十里谷中產葡萄味甚美

咸陽谷在縣南十五里袤十里山上有源泉流出谷名咸陽水西合回馬水按城壕記秦伐趙築城近谷口以咸陽兵戍之故名

白壁嶺在縣東南七十里魏地形志陽邑有白壁嶺樊陽水八表山涂水

龍門壑在鳳凰山西產林檎味極佳

按一山之大者峯巒厓壑往往隨地異名黃山之三十六峯青城之一百八景原只一山耳若僅載總名以括其餘不獨攬勝莫知亦且按圖失考舊因土人槩名鳳凰鳳翼遂將餘名刪去今補入

馬嶺在縣東南七十里路通直隸順德府元好問有詩嶺上有馬陵關崇巖邃谷松檜插霄日景不入溽暑猶栖餘雪類臺山萬年冰爲十景之一

馬明王谷在縣南十里有河